

Cosmographie Vniuerselle

Cap de l'Arcadie iusques au Cap Breton, & suyure la coste de Canada & de Terre-neuue, laquelle contient pres de terre ferme, vn nombre infiny d'Iles & Islettes-banes, rochers, haults esleuez, les vns plus que les autres, Si comme sont les Iles des Oyleaux, de Terre-neuue, des deux Chasteaux, celle d'*Aaiyascou*, qui vault autat à dire en leur patois, que vn bras, attendu que celle est faite à la forme & semblace d'un bras d'homme: & celle d'*Aggonzi*, mot aussi en leur langue, signifiant teste, d'autat qu'au mitan de ladite Ile se voit vne montaigne, au sommet de laquelle y a vn gros rocher tout rond, fait comme la teste d'un homme: & celle qu'on appelle des Demons, qui est la plus grande & plus belle, mais à present deshabitee, à cause des grandes illusions & fantosmes qu'y si voyent, par la ruse & cautelle des diables. Ce qui a esté aussi expérimenté par les Chrestéens mesmes, & c'est pourquoy on luy a donné ce nom d'Ile des Demons, ou des diables, cōme dit est, & est grand dommage, veu la beauté du lieu, & qu'elle tire plus vers nous, que pas vne des autres. On y va aiséz de iour pour le fait de la pescherie, & pour la chasse: mais si on s'esgare bié auant, on ne fault d'y auoir rencontre des maudits esprits, qui vous font mille algarades par les bois & deserts en plain midy. Il y a des Demons qui sont diuisez en bons & mauuais, les vns desquels nous appellōs Anges & les autres diables, & tous les deux sont cōpris sous le nom & appellation d'Esprit. Les diables ont des corps palpibles, qui estans frappez, se deulent, & sont bruslez, s'ils approchent le feu. Mais ie laisse toutes ces choses à d'autres pour en discourir, pource que ce n'est pas le subiect d'un Cosmographe. Je ne veux aussi icy vous amener en auât, par quels charmes ils coniuient ces esprits, lesquels se monstrent durs à obeyr, & rebelles, à ceux qui taillent les coniuier. Tout cecy se peult apprendre par les liures des Philosophes, qui se sont amusez à escrire de la nature des Demons. Mais ie vous diray chose tresueritable, sans vous contenter de bourde, à la maniere de ceux qui ne veirēt iamais que par vn trou, ce qui se voit en icelle Ile, & lieux voisins de la mer, ou aussi on tient, qu'il y a des esprits tourmentās tant de nuict que de iour les homes. Ce qui est vray, & me suis laissé dire, non à vn, mais à infiniz Pilotes & Mariniers, avec lesquels j'ay long temps voyagé, que lors qu'ils passoient par ceste coste, comme ils fussent agitez d'une grande tempeste, ils oyent en l'air, comme sur la hune & mastz de leurs vaisseaux, ces voix d'hommes, faisans grand bruit, sans qu'ils entendissent rien formé de leur parolle, seulement vn tel murmure, que vous oyez vn iour de foyre au milieu des halles publiques. Ces voix leur causoient plus d'estonnement cent fois, que la tempeste qui leur estoit voisine. Ils sçauoient bien qu'ils estoient pres de l'Ile, que on disoit des Demons, mais ils ne faisoient estat de telle chose, iusqu'à ce que quelques gens de bien se meirent en oraison & inuocquerēt le sanct nom de Iesus, & peu à peu ils perdirēt ce murmure, quoy que la tēpeste ne cessast de long temps apres. Souuent les Sauuages où ie demeuerois, estans tourmentez de l'esprit maling qui leur est familier, lors que i'allois par leur pays, conuersant ordinairement avec eux, quelquefois ne pensans qu'à Philosopher, & m'enquerir des choses les plus rares, se venoiēt ietter avec vne grande timidité entre mes bras, criant à haulte voix, *Hipouchi Agnan, Omámo Atoupaué*, le meschāt esprit *Agnan* me bar & tourmente tant & plus, ay de moy ie te prie. Incōtinent apres telles choses aduenues, les ayās saiziz au corps, ie disois l'Euangille S. Iean, In principio, &c. laquelle n'estant à denry dite, ces barbares se sentoient deliurez de l'esprit maling, & assure le lecteur auoir fait tel acte tressaint & Catholique plus de cent fois pour le moins: Mais en ceste Ile assurez vous qu'ils y sont si frequents, que les habitans faschez du peu de repos qu'ils auoient en icelle, ont esté cōtraints s'en aller en terre ferme.